

新疆圖志卷六十七



水道志一

和闐河

和闐河二源一源出昌器滿達阪一源出後藏北境雪  
山會爲和闐河

和闐漢魏以來皆曰于闐史記大宛傳于寘東水東  
流注鹽澤鹽澤潛行地下其南則河源出焉漢書張  
騫傳使窮河源其山多玉石采來天子案古圖書名  
河所出山曰昆侖西域傳河有兩源一出葱嶺山一

新疆圖志

水道志一

出于闐于闐在南山下其河北流與葱嶺河合東注  
蒲昌海蒲昌海一名鹽澤又云從鄯善傍南山北波  
河西行至莎車爲南道水經河水又從葱嶺出而東  
北流其一源出于闐國南山北流與葱嶺所出河合  
又東注蒲昌海酈注河水又東與于闐河合南源道  
于闐南山俗謂之仇摩置自置北流逕于闐國西又  
西北流注于河諸說皆指今和闐河也西域圖志和  
闐達里雅源出皮什雅南五十里南山中北流將近  
皮什雅城南分爲二道夾城而過城東曰玉瓏哈什

郭勒城西曰哈喇哈什郭勒新疆識畧和闐河出和闐南山北流爲和闐河凡二源皆出呢蟒依山和闐鄉土志玉瓏哈什哈喇哈什同發源本境南呢蟒依山山在城南六十五里按喀什噶爾道分至道里圖和闐河哈喇哈什一源出昌器滿阪西北山峽內在和闐城西南距城一千里玉瓏哈什一源出後藏北境雪山在和闐城東南距城四百八十里兩源相距約五百里非呢蟒依山也西域圖志謂一源至皮什雅城南始分爲二道亦誤漢魏以來諸史言和闐河

新疆圖志



水道志一

一一

與葱嶺河並重皆指爲黃河初源而得其源者甚罕近者鄉土志亦潦草不足觀也

一源出後藏北境雪山南伊西里庫爾海子西北流經

和闐城東即額里齊城曰玉瓏哈什河

伊西里庫爾海子即西域圖志之葉什勒庫勒今名

伊克池在于闐南克里雅山下西北流者爲玉瓏哈

什河源出源西北流北史西域傳于闐城東二十里

有首接河中出玉石魏書又作昔拔河又云于闐城東二十

里有大水北流號樹枝水即黃河也一名計式水大

唐西域記王城東南百餘里有大河西北流國人利之以用溉田玉瓏喀什元史作玉瓏傑赤即今玉瓏喀什也阜輿西域圖志玉瓏喀什郭勒爲和闐達里雅上流出皮什雅南五十里南山中與哈喇喀什分道經皮什雅城東北流六十里至玉瓏喀什城南又分爲二夾城流六十里復合爲一北至喀提里什東哈喇喀什郭勒自西南來會之入和闐達里雅其流經玉瓏喀什城東處長三里出白玉又云今玉瓏喀什郭勒在伊里齊城東南境上北入和闐達里雅中

分兩流行六十里復合其西流爲魏書樹枝水則東流應屬苜蓿河水道記引後魏書以樹枝水爲東源達利水爲西源新疆識畧和闐河凡二源皆出岷嶓依山東支北流經伊里城東玉瓏喀什城西是爲玉瓏喀什河經勒沁托海玉色格爾雅爾長四百四十里又云樹枝水即今玉瓏喀什河在和闐城東一十五里其源出于闐屬西南大冰山下伊西里庫爾北行二百里至合塔斯阿克子南入境折而西北流二百五十里至卡浪古達阪西大橋北有卡古浪水合

哈拉哈什水自西南入之又北流四十里有泥沙水  
自西南入之又流一十五里至皮素絲山有弼西水  
合布牙水自東南入之布牙水即古城南小海子又  
流三十里有切取水自西南入之切取水即塔克塔  
哈水又東北流四十里有鐵領爾冰哈水自東南入  
之又流四十里至白白雅卡折而西北流四十五里  
至伊里齊城東爲玉瓏哈什河之玉河又流三十五  
里至紉雅卡又名一桿旂又流一十五里至巴什闌  
干又流六十里至雅滿布克闌干又流五十里至巴

斯泊瑪瓦特闌干又流六十里至厄格雅又流五十里  
至伙食拉食泊與哈拉哈什河會按皮什雅南作一  
水分爲二河謂出皮什南五十里南山中皮什雅即  
和闐州圖之必自雅所謂皮什南五十里南山者即  
樂春達阪也較之西伊里庫爾約短縮四百五十餘  
里喀什道分至道里圖但知出後藏雪山而不能名  
其源之所在自以新疆圖說出伊西里庫爾爲得其  
真然伊西里庫爾之源仍在南山之南探源豈有盡  
哉新疆識畧鄉土志均謂和闐二源悉出呢蟒依山

呢蟒依山在和闐西南乃另一哈拉喀什支水之源  
與二河無涉玉瓏喀什一河源流支水惟新疆圖說  
最詳西域圖志既以西流爲樹枝水東流屬苜蓿河  
又謂樹枝水即今玉瓏喀什郭勒語涉兩歧玉瓏哈  
什乃東流也應以後說爲是與水道記合大小胡麻  
地向產美玉皆與玉瓏喀什河通流舊屬和闐今劃  
歸洛浦縣矣

一源出昌器滿達阪北麓東北流經和闐城西曰哈拉  
喀什河

新疆圖志

水道志一

五

史西域傳于闐國城西十五里魏書作五十五里亦有大水名達利水與樹枝水會俱北流晉高居誨使于闐  
記河源所出至于闐分爲三東曰白玉河西曰綠玉  
河又西曰烏玉河西城圖志哈拉喀什郭勒亦和闐  
達里雅上流與玉瓏喀什郭勒同源異流經皮什雅  
城西北流六十里至哈喇喀什城南亦分爲二夾城  
而流域東之河距城二里東北流至喀提里什入於  
和闐達里雅又云樹枝河即今玉瓏喀什郭勒達利  
水即今哈喇喀什郭勒水流分合及兩水東西相距

以古驗今若合符節水道記額里齊城南五百八十里  
有察克瑪克曲底雪山所謂南山也漢書曰于闐在南山下  
西域記謂之雪山水經注謂之仇摩崑山有谷一曰桑谷  
在西一曰樹雅在東一地東北距額里齊城四百二十里  
出水分流出谷而會東北流三百餘里逕敖扎特卡倫東  
又東北流三十里逕待達克卡倫西阿哈薩爾卡倫東  
又北流分爲二西支西北流七十里逕哈喇哈什城西  
三十里阜窪勒軍台爲阜窪勒河復北流至哈拉三入沙磧  
東支東北流

新疆圖志

水經注卷一

六

逕額齊里城西十八里又西北流七十里逕哈喇哈什城東  
又東北四十餘里逕瑪咱爾卡倫西又北流至額克里雅爾  
與東源會新疆識畧西支北流分二支一支經哈喇哈什  
城西三十里名雜瓦河水皆黃色回語名賽勒克蘇復北流  
至哈拉三入沙磧一支經哈喇哈什城東伊里齊城西十八里  
兩城相距是爲哈拉拉哈什河亦經勒沁托海至色格爾雅爾長六百  
八十里與玉瓏哈什河合又云達利河即今哈拉拉哈什河  
新疆圖說哈拉拉哈什河在和闐城西六十里

其源出葉城屬八沙拉克達阪南冰山東流一百餘里至托滿有普下水自南入之又流三十里有庫布哈水自南入之又流四十里有雅拉阿特水自南入之又北流四十里有一品水自南入之又東流六十里至普其牙莊又流四十里有胡爾水自南入之又曲折東流一百里至藍玉莊又曲折北流三十里至排扎拉哇提卡倫頭又北流九十里經哈拉哈什莊東北流五十里至白而司克又流五十里至卡羅又流四十里至薩依又流四十里經勒沁托海北戈壁

新疆圖志

水考卷七

七

至卡浪古托拉和闐圖哈喇哈什河發源察察嶺西在玉瓏哈什河源之西南初西北流又西流至阿吉藍西南布拉克巴什南有一水西北流來入之又西北流有一水北流來入之又西北流經松條爾即松角爾南又經康西北自南西北流入莎車葉城界又西北流折而東北流復入和闐界又東北流有二水自南來入之又東北流經伙什依勒商普其月又作普其牙北漸東流經阿卡提阿玉拉沙依北又經下哈立克東南有一源出庫布哈達阪東南一品達阪西南東北流

經一品達阪多拉達阪東麓東北流來滙卽新疆圖說之藍玉水也圖說藍玉水在城西南一百四十里源出默特斯山東北流二百里至藍玉莊與哈拉哈什河會此哈拉哈什河自南而北之正源也不應列爲支水旣合經和闐城西至卡浪古拉和拉東與玉隴哈什河相會按水經注於和闐河僅言出于闐南山卽仇摩置魏晉以前均不能詳其源水道記於哈拉哈什一源謂出自察克瑪克曲底雪山距額里齊城五十八里已遠於呢麟依山新疆圖說謂出自八

汝拉克達阪更遠於屈底雪山喀什道分至道里圖謂昌器滿達阪西北麓西流之水皆哈喇哈什河源又遠於八沙拉克達阪矣喀什圖載昌器滿達阪爲退擺特北境大山大山北麓沿山水皆西北流約二百里折而東北流至塔勒塔什古子布拉克布拉克巴什四山之水滙爲海子大小凡九有西北流入於河者又東北流至松角爾南距昌器滿達坂六百八十里又折而西北流一百里至康西伯南又西北流七十里至康挖克南又七十里至古魯巴霞南沿奇



博里素蓋提兩達阪東北麓仍西北流又八十里至  
桑圖拉東折而北流有一水自八沙特達阪東北流  
來入之即新疆圖說之哈拉喀什河源也八沙特達  
阪水既入折而東流凡卡拉胡魯木達阪東北麓小  
水皆入之又東北流有一水自南來入之又東北流  
經哈拉喀什莊東又北流至伏什拉什北與玉瓏哈  
什會玉瓏喀什發源後藏北山南麓在相闐東西北流  
出山有一水發源松角爾東南山北麓東流來入之  
又西北流又西流又折而北流又東北流有二水西

新疆圖志

水道志

九

北流來入之又東北流有一水東流來入之又東北  
流至玉瓏喀什莊西爲玉瓏喀什河又東北流經和  
闐城東由州城至昌器滿達阪一千一百里至玉瓏  
喀什河源四百八十里又北流至伏什拉什莊北與  
哈喇喀什河會既會西北流又北流又東北流出和  
闐界東流微偏北五百五十里至喀巴鄂克赤洲即  
巴克阿與葱嶺南河北河阿克蘇河會李原鈔勘界  
公牘由素蓋提向東行七十里至古魯巴霞麻札洪  
古魯又行九十里至康挖克又各城塔什又行八十

里至康西伯又行八十里至松角爾洪圖索喇柴草俱盛  
南山麓有鉛鑛向東南行八十里至阿不多闐干柴  
草更蕃地多謙又五十里至色勒格蘇諸南山北流  
黃泥水降冬不竭即哈拉哈什河源也仍東行二十  
餘里往東北行有通和闐之路仍向東南行十餘里  
至阿吉闐干柴草無多有三大石倚石砌有牆垣數  
處以東石山中之清水由此伏流至色勒格蘇水會  
亦哈拉哈什河源也向正南上山坡平坦出路過小  
達阪土人云向東北行有通于闐之道計八十里至

布拉可巴什柴草俱無有數泉流入小冰海泉邊青  
草無多向西南行八十里至克子布拉可山麓皆紅  
土有數小海水碧色味鹹結又行一百一十里平坦  
謙戈壁至塔勒得又行七十里平坦山路至克奇克  
庫里亦有數泉流十餘里伏泉邊青草難供一騎仍  
向西南行四十里平坦山路轉向正南六十里土戈  
壁一帶風甚烈早晚結冰六月披裘疑爲崑岡絕頂  
也過小土達阪二十餘里仍土戈壁柴草俱無曷器  
滿達阪諸山中之水由此繞向東流漸有高峰順山

溝向東南三十餘里轉正南折西南六十餘里至昌  
器滿達阪通退擺特柴草全無用羅經測準子午騎  
崙卯酉過徑水分東西流東流屬中諸峯巒多積雪  
盛夏不消按喀什圖於玉瓏喀什一源長短畧同水  
道記而地名里數尙不及新疆圖說之詳惟於哈喇  
喀什一河探源昌器滿達阪與和闐舊圖同然尙不  
如勘界公牘身歷其境歷歷如繪也昌器滿達阪在  
和闐南微偏西喀什圖哈拉喀什河源在昌器滿達  
阪西北和闐圖將河源移在東北蓋昌器滿達阪東

北哈拉喀什河源之東有一幹山自東而西四山圍  
繞山之南北盤澗谷分注莽西入哈喇喀什河別無  
出水之路謂發源昌器滿東北更增三百餘里矣水  
道記哈喇喀什至阿哈薩爾卡倫又北流分二支西  
支爲阜窪勒河西域圖志阜窪勒譯斯騰在哈拉哈  
什河西即哈喇喀什河分流北行百餘里而止不通  
他河又謂即晉高居誨使于闐記之烏玉河水道記  
圖內列爲哈喇喀什支河又引張匡鄴行程記爲證  
即新疆圖說之雜瓦河也圖說雜瓦河在城西八十

八里其源從伯爾藏莊渠東哈拉喀什河分支西北  
流六十里至雜瓦驛又西北流一百三十里至可布  
拉可闌干伏於戈壁雜瓦驛即阜窪軍台距和闐城  
九十四里此河新圖多不載或視爲渠道或誤作東  
南流既係一河分出自應列爲哈喇喀什支河

二源既滙是爲和闐河北流又東北流入溫宿境至噶  
巴克阿克集與葱嶺河阿克蘇河會

玉璫喀什河至玉璫喀什西哈拉喀什河至卡浪古  
拉和拉東中爲伙什拉什二河交會既會北流經阿

新疆圖志

水考卷七十一

十一

黑巴什東又北流經麻札塔哈東又北流過大樹林  
又北流經區音特勒克西卡拉哈斯地東入戈壁又  
東北流經必底列克塔哈東又東北流經波羅長梗  
鴉浴悟司孔東又東北流經子里卻亞可東北入溫  
宿境西域圖志玉璫哈拉郭勒哈喇喀什郭勒俱北  
流四百里至喀提里什兩河交會是爲和闐達里雅  
又北流五百里西會葉爾羌諤折騰折而東流千有  
餘里入羅布淖爾水道記二河各東北流二百餘里  
而合又東北逕卡塔里齊山之東又東北逕塔克立

克爾之東又東北逕巴什博克邑之東地皆沙磧合流凡四百餘里又東北與西來之喀什噶爾河葉爾羌河會新疆識畧二水合流數百里至噶巴克阿克集與喀什葉爾羌之水會新疆圖說至卡浪古托和拉又曲流四十里至阿黑巴什又流七十里至麻札塔哈又流九十里至卡拉阿斯地又流四十里至區音特勒克又流三十里至白底列克塔哈又流五十四里至波羅長梗又流八十四里至鴉落悟司孔又流五十四里至卻亞可又流三十里至子里入溫宿

新疆圖志

水道志一

十二

境就哈喇喀什一河而論水道記謂自出谷至額克里雅爾與東源會僅四百四十餘里數不合似誤新疆圖說謂自發源至卡浪古托和拉一千六十餘里二河既會至和闐北界止又四百九十二里而喀什道圖謂自昌器滿達阪至和闐城一千一百里自和闐城至噶巴克阿克集一千三百餘里窮源竟尾共二千四百餘里若發源昌器滿達阪東南則更增三百里是遠於葱嶺河矣漢時指于闐河爲黃河源以河源所出名曰昆侖則今昌器滿達阪卡拉胡魯

木達阪爲古崑崙無疑通典謂漢武帝所按古圖書  
卽禹本紀竊謂穆王西征必有圖書留遺爲秦火所  
不及者至漢猶存天府故重之曰古似未可以禹本  
紀概之西域圖志水有主輔以樹枝爲主而達利會  
之樹枝玉瓏哈什也若以河之源流長短相較目應  
以哈喇哈什爲主矧出自崑崙也惟入溫宿境後至  
噶巴克阿克集尙有五百餘里其間村莊地名從無  
圖說可攷殆皆沙磧歟

卡押坤海子 新疆圖說卡押坤海子在和闐城

新疆圖志

水道志一

十四

西北四百三十里與葉城各半分轄按水道記  
羅布淖爾受水圖於阜窪勒河之西披雅爾滿  
台之北有伊斯庫爾淖爾或謂卽伊西洱庫爾  
淖爾非也伊西洱庫爾淖爾卽葉什勒庫勒淖  
爾在蘇滿南拔達克山東北見西域圖志水道  
記之伊斯庫爾淖爾卽卡押坤海子也今與皮  
山分轄

以上和闐小水

于闐河

克里雅河

克里雅一作克勒底雅河發源于闐南山伊西里庫爾

一作葉什勒庫勒一作伊克池一作伊爾里克淖爾

克里雅河在于闐城東五里源出縣境極南與後藏

連界之克里雅山山中有海子曰伊克池即伊西里

庫爾淖爾西域圖志克爾雅郭勒源出克爾雅城東

北山中南流經二百餘里通葉什勒庫勒葉什勒庫

勒源出南山中周廻成大澤克爾雅郭勒南流入之

新疆圖志克里雅河在城東五里源出前藏後藏非前藏

新疆圖志

水道志一

十五

之西大冰山下伊西里庫爾水道記克勒底雅山千

餘里淤沙積雪烟瘴逼人冬夏不可行水發山中北

流經克勒底雅城東于闐鄉土志克里雅河發源克

里雅山克里雅亦作克勒底雅在縣境極南有路通

後藏西藏志云自衛藏北行三十四日至納克產又

十五日至書隆沙爾又十八日至克勒底雅即此山

之西南有伊爾里克淖爾水自淖爾溢出是為克里

雅河初源唐書于闐和闐東三百里有建德力河河

東有建德力城亦曰拘彌城即寧彌故城唐西域記

媿摩川東入沙磧行二百餘里至尼壤城周三四里  
在大澤中西域圖志謂媿摩川爲今車呬城西境之  
河由是東行二百餘里爲尼壤城當即今克爾雅城  
大澤即今葉什勒庫勒應即西域傳之建德力河其  
東即古拘彌國地按克里雅爾城即今之于闐縣城  
與克爾雅河皆以克爾雅山得名即建德力河亦即  
媿摩川西域圖志謂尼壤城即今克爾雅城非也古  
尼壤城尙在今于闐克里雅河之東二百里車呬城  
在和闐東南克里雅河在車呬城東北于闐城東車

呬以西之水皆在今和闐境內尼壤城更在媿摩川  
之東故云東行二百餘里若將媿摩川置諸車呬以  
西則應云西行矣古拘彌城在克里雅河東岸西域  
圖志誤以克爾雅城爲尼壤城不知尼壤城更在東  
也于闐新圖著之甚明尼壤城大澤即今烏魯克沙  
衣河下游葉什勒庫勒在其西南數百里外不能混  
也水道記引西域記瞿薩旦那城東南百餘里有大  
河西北流國人利之以用溉田以爲即今克勒底雅  
河非也古之于闐今之和闐西域記所謂城東南大



河西北流者即今玉瓏哈什之下游恰西北流既云  
國人利之必近城之地不能舍玉瓏哈什而遠求之  
克里雅也和闐于闐南山北麓之水皆北流無南流  
者南高而北下也西域圖志謂克爾雅郭勒南流通  
葉什勒庫勒是將源流倒置矣亟應更正于闐新圖  
克里雅山在河源西北在伊克池東北羣山叢雜北  
自普羅莊在克里雅河之西南有一路穿各莊曲折而南直  
至克里雅山南麓復折而西沿伊克池北岸而行再  
西踰玉瓏哈什河源西域多山必循山之低窪處路

始得通路所出即水所經也各河皆然葉什勒庫勒  
有謂即葉什勒庫勒淖爾者非也葉什勒庫勒淖爾  
西域圖志舊音伊西洱庫爾淖爾在布隆庫勒西四  
十里水勢深廣萬山環繞北通安集延西限葱嶺南  
抵拔達克山副將軍富德窮追逆回波羅泥都霍集  
占至此二酋授首淖爾之上勒碑紀功至今碑座尙  
在而碑已失爲阿爾林之爾帕米爾地東距和闐一  
千餘里何可混也

出源北流又東北流流水山之水自東南來注之

克里雅河出源北流經克里雅山東麓東北流又經科可牙達阪之東又經蘇巴什罕闌干又經卡雅烏底卡馬洛克大橋之東北流又經罕雅依拉克阿子東又經伊下克阿提東北有一水發源流水山經流水莊西西北流入於河鄉土志流水山在縣境南產礫子石水出山中淺狹曲折北流入大河

又西北流普羅山之水自西南來注之

流水山之冰既入又西北流有水發源普羅山北麓東北流經普羅莊北又東北流入於河即泡洛水也

新疆圖志

水道志一

十八

新疆圖說泡洛水在城西南一百四十里其水有二支源出本莊南達阪北流七十里至泡洛莊折而東北流一百三十餘里與克里雅河會鄉土志普羅即勃律之轉音蓋古大勃律之界也在縣境正南有水一出正南山中曰帖拉克一出迤西南山中曰庫卜拉合流出普羅山東北流與大河合按泡洛普羅均勃律之轉音也

又東北流經博瓦子闌干南向北分一渠又東北流經流水莊南分一渠

普羅山水既入折而東北流向北分一渠北流又分爲支渠四鄉土志二渠在河北岸西渠經博瓦子闌干莊分支渠四一東北注斯卡太石滿莊綽和拉莊一西北注昆巴莊一北注塔哈太石滿莊又東北流向北分一渠北流又分爲支渠五其東北二渠夾于闐城北流詳見鄉土志

又東北流分二渠

鄉土志渠在河之南岸折而北流注白什多洛可莊止又一渠環抱阿雅莊行二十餘里仍入於河

新疆圖志

水道志一

十九

又北流經于闐城東又北流阿羌山之水自東北來注之阿羌山亦作阿仙山在于闐治南三百二十里水出源北流經仙莊東又北流經喀喇庫木什莊西白什多洛可莊東又北流又西北流經自新莊南入於河鄉土志阿羌山水出縣南阿羌山中北流經縣東喀什庫木什莊折而西北流入於河古拘彌城在河東岸今于闐縣治在河西岸

又北流皮介山水合喀喇布拉克水圖木牙水自東來注之皮介山在于闐治東南三百五十里喀喇布拉

克山在治東南三百八十里圖木牙山在治東南四  
百一十里皮介山水北流微偏東喀喇布拉克自東  
南入之又北流圖木牙水北流注乙斯玉洛滾闌干  
中分一支入皮介水即乙思玉洛滾水新疆圖說乙  
思玉洛滾水在城東一十五里源出吐木牙山曲折  
北流二百里伏於戈壁鄉土志皮介山水出皮介山  
北流喀喇布拉克水自東南來會喀喇布拉克水出  
山西北流入皮介山水又北流圖木牙水自東南來  
圖木牙水出圖木牙山北流分二支一北流注乙斯  
玉洛滾一西流入皮介水三水合流經威陀拉克莊  
折而西經自新莊又西入大河  
又北流沒於沙磧

新疆圖志

水道志一

二十一

皮介山水既入之後又北流東岸爲大戈壁村莊皆  
在西岸又北流經博坦東又北經帖瓦額黑勒東又  
東經麻扎東又北經塔卡哈東又北經卡斯坎東又  
北經密沙奈東又北經畢闌干東又北經玉汪昆東  
又北經阿克恰特東又北經塔什肯東又北經和什  
卡瓦什提東又北經托巴克威力根又東北經辟恰

里克東又北經玉吉別得多可東又北經博斯坦托  
和拉克東又北經窩托奇東又北經吉格得庫多克  
東又北經克哈什東又北經庫木洛可東又北入沙  
雅縣境沒於沙磧河雖北流而間偏東西甚爲曲折  
新疆圖說克里雅河出伊西里庫爾東流二百里至  
罕闌干折而北流二百五里至流水莊又流一百五  
十里至駁瓦子闌干折而東北流一百里至城東折  
而北流四十里至巴各吉格旦又流六十里至雪底  
拉又流六十里至殼可吉格旦又流一百里至巴司

新疆圖志



水道志一

一一一

古又流六十里至車古買里又流一百里至昆巴拉  
特又曲流一百里至羊大可梭洛和又流八十里至  
國保庫依洛可又流九十里至其里竿思竿又流六  
十里至可押拉可水源至此伏於戈壁于闐鄉土志  
此河發源至縣城千二百餘里夏漲冬枯不通舟楫  
灌概之利實攸賴焉又北流約千里始入沙磧沿河  
有草土人資以畜牧再北則彌望沙漠寸草不生按  
克里雅河新疆圖說謂長一千四百里鄉土志謂約  
二千二百里而沿河莊名鄉土志與圖說均不符前

後二十餘年各莊遷徙廢興固所必有而譯音傳誤  
恐亦不免水道記以此河經城東北流三百里入大  
河塔里木河羅布淖爾所受水第西圖以此河列在于闐  
河即和闐河之東東流入額爾勾河又東北流入塔里木  
河非也新疆識畧水道表列爲伏流鄉土志亦謂此  
河古今不入大河庫車廳舊圖其南境即今之沙雅  
縣尙有伯什牙克一水自西而東橫亘塔里木河之  
南克里雅河至庫木洛河北已沒於沙並不及庫車  
南境安能逾伯什牙克而入於塔里木也自以鄉土  
志不入大河之語爲是

新疆圖志

水道志一

二二一

卡墻河

卡墻河有三源一源出烏魯克蘇一源出阿格塔克一  
源出阿里雅拉克匯爲卡墻河

烏魯克蘇山在于闐縣東南二千四百餘里水出山  
東北流與阿格塔克水合阿格塔克山在縣東南二  
千五百餘里纏語謂後爲阿格謂山爲塔克猶言後  
山也鄉土志其地產金積雪不消瘴癘亦甚惟夏月  
可採金水出山西北流與烏魯克蘇合入阿里雅拉

克水阿里雅拉克山在縣東南二千六百餘里水出  
山西北流與魯克蘇阿格塔克二水合三水合流爲  
卡墻河即古且末河也水經注南河又東逕且末國  
北又東會阿耨達大水釋氏西域記阿耨達山西北  
有大水北流注牢蘭海其水北流逕且末南山又北  
逕且末城西又曰且末河東北流逕且末北又流而  
左會南河會流東逝通注濱河注濱河又東逕鄯善  
國北其水東注澤澤在樓蘭國北彼俗謂是澤爲牢  
蘭海按南河逕且末國北又東會阿耨達大水大水

新疆圖志

水道志一

二二二

今和闐哈喇喀什河河山崑崙即阿耨達水也牢蘭  
海即羅布淖爾其曰且末河東北流逕且末北左會  
南河者乃指且末河而言即今卡墻河卡墻河下海  
即注濱河注濱河又東經古鄯善北始入羅布淖爾  
水經注本自分明後人引之多末了然唐書地理志  
度且末河五百里至播仙鎮高居晦使于闐記又西  
度陷河皆指卡墻河也鄉土志謂古人出陽關赴于  
闐必由鹽澤度且末今由卡墻至羅布淖爾亦度此  
河以爲即古且末河之証極是

西流經摩拉布拉克山覺可沙衣水跳提勒水自南來  
注之

摩拉布拉克山在于闐東南一千九百餘里河經其  
東覺可沙衣在于闐東南一千七百餘里水出山北  
流跳提勒山在于闐東南一千五百二十里水出山  
北流皆入於河

又北流經卡墻西西分三渠東分一渠

三渠在河西岸一名托和拉克西流折而北又分支  
渠五一名吳里克西流折而北注本莊止一名覺若

新疆圖志

水道志一

二二四

枚牙西流折而北又折而東北分支渠四東岸一渠  
東北流注阿雅奇莊止詳見鄉土志

又東北流入塔焉縣境匯於羅布淖爾

自卡墻西折而東流經阿雅奇莊東北麥奈莊南又  
東經古且末國南又東經塔提朗雅沙拉克狄敏克  
海之南又東流經布和拉克東南折而東北流經恰  
盤卡底塔底克西北塔底克東有界牌爲于闐塔焉  
交界處又東北流入塔焉境經卡墻西又東流經沙  
山戈壁之南又東經塔焉縣北羅布莊南距縣治九  
十二里



又東經羅布驛南又東經七克里克莊東南入於羅布淖爾羅布驛北距破城驛九十里又北距托和莽驛六十里又北距葉爾羌河尾九十里卡墻河在和闐河之東與南河同入羅布淖爾和闐河匯於南河與水經酈註悉合西人游歷者亦謂此河爲且末河于闐鄉土志此河自發源至卡墻約一千三百餘里由卡墻入羅布淖爾約千有餘里雖不通舟楫夏漲而冬不枯竭李氏恢垣西域圖考疑且末河即克里雅不知克里雅之水並不入大河且漢書載且末拘彌明係兩國李氏以克里雅城當拘彌又疑克里雅河爲且末河未免自相矛盾所辨極是塔羌縣新圖其西境之河入羅布淖爾者惟卡墻河葉羌河葉羌河即古拉斯克河塔里木河之下游也其葉羌河尾之北又分出一水爲鐵列克河西境別無他水來會可見克里雅河不入羅布淖爾審矣

### 策勒村河

策勒村河發源喀喇塔什山曰喀喇塔什河

新疆圖說喀喇塔什河在于闐城西二百八十里其

源出塔彌梗莊南冰山下鄉土志喀喇塔什山在縣  
治西南四百五十里產金源出山北塔彌梗莊南之  
冰山即喀喇塔什也

東北流色勒克布隆水合窩陀拉克水自東南來注之  
鄉土志二水均發源於喀喇塔什迤東南山中色勒  
克布隆水西北流窩陀拉克水自南來合而西北流  
入喀喇塔什水

又北流阿拉隆伊拉克水覺克伊拉克水自西來注之  
鄉土志二水均發源於喀喇塔什迤西之帖克里克

新疆圖志

水道志一

一一六

山中東流入喀喇塔什水于闐圖僅列帖克里克一  
水西北流無所謂二水也

又北流經阿希闐干曰阿希河

鄉土志闐干華言卡倫也在河之東居民引水耕地  
漸成沃壤

又北流經阿瓦卜闐干

北流至阿瓦卜闐干甚曲折鄉土志闐干在河之東  
居民寥寥

又北流經策勒村爲策勒河分二大渠

二渠分流西爲窩和勒克等五莊幹渠東爲麥哈馬等四莊幹渠西渠北流分支渠六東渠北流分支渠四詳見鄉土志

又北入沙磧

新疆圖說策勒河發源北流一百一十里至阿西又曲流八十里至阿西爾闌干又流一百七十里至策勒村又流二十里伏於戈壁鄉土志此河發源至策勒村約五百餘里又百餘里卽伏流夏漲冬枯不通舟楫

新疆圖志

水道志一

一一七

固拉哈馬河

固拉哈馬河發源卡依拉乞莽山曰沁美勒克河

卡依拉乞莽山在縣治東南五百餘里鄉土志在努勒村南水源出山北

北流經安壩莊曰安壩河

鄉土志安壩莊距雪山近水草饒足居民且耕且牧又北流經恰恰莊曰恰恰河

恰恰莊在塔克努明巴札西恰恰河卽塔克努喇村河也新疆圖說在城西三百十里源出安壩南冰山

下北流一百里至本村西折而東北流鄉土志恰哈  
莊卽塔克努也南爲努勒村適中之地土人又呼爲  
恰哈水

又北流經固拉哈馬河西分一渠

鄉土志固拉哈馬在策勒村東四十里渠水至艾根  
莊止

又北流西分一渠

渠名牙魯斯坦西流折而北分支渠四幹渠又東北  
流與河合詳見鄉土志

新疆圖志



水道志一

一一八

又北流有泉水自東南來注之

泉水出固拉哈馬東南六十餘里草湖中西北流入  
於河泉水之東亦分數渠詳見鄉土志

又北流西分二渠東分一渠

鄉土志西二渠水均西流東渠水東流

又北流入沙磧

鄉土志此水發源至固拉哈馬約六百餘里因有泉  
水雖夏漲冬消不盡枯竭新疆圖說自塔克努喇村  
西折而東北渠二百二十里至古拉木八札又流六

十里伏於戈壁古拉木八札卽于闐圖之固拉哈馬  
巴札

潘拉克水

潘拉克水發源阿克恰克勒山北流經烏魯沙衣曰烏  
魯沙衣水

阿克恰克勒山在于闐西南六百八十里水源出其  
北北流經烏魯沙衣莊東

又北流努拉山水合沙衣巴克水分支來注之

潘拉克水北流經魯沁闌干東雅可托和拉克西又

新疆圖志

水道志一

一一九

北流努拉水合沙衣巴克水分支自東南來入之鄉  
土志謂又北流分二支一東北流歸達木溝一西北  
流合此水歸潘拉克于闐舊圖無此二水

又北流合伊里月艾根泉水

鄉土志泉出潘拉克南四十餘里

又北流分二渠東曰奇里克水西曰西瓦克水

東渠北流注奇里克莊曰奇里克水西渠北流經潘  
拉克莊之西注西瓦克莊曰西瓦克水鄉土志潘拉  
克在縣西一百七十里

又北流分一渠曰增丹克水又北流入沙磧

河西岸分一渠名增丹克水西北流鄉土志此水自發源經潘拉克入沙磧約六百里夏漲冬枯僅資灌

溉

達木溝水

達木溝水二源西源曰努拉山水東源曰沙衣巴克水努拉山在于闐西南六百餘里水出源北流經努拉莊東沙衣巴克山在西南五百餘里水出山北流經沙衣巴克莊西即沙衣巴克河以努水也新疆圖說

新疆圖志

水道志一

二十一

沙衣巴克河在城西一百三十三里其源出本莊南冰山流一百五十里有以努水自南入之合流一百三十里經尼額闌干伏於戈壁

又北流分支入潘拉克水又北流細墨喇水分支來注北流向西北分一支入潘拉克水又北流細墨喇水分支自東南來入之鄉土志細墨喇山在縣治西南四百餘里水源出山北北流分二枝一東北流合喀喇蘇歸罕蘭溝一西北流入此水

又北流與泉水合又北流經達木溝分二渠

鄉土志二渠一在東岸東北流折而北分注民田又折而西仍與水合一在西岸西北流折而北分注民地止不流

又北分一渠又北流入沙磧

水西岸分一渠注麻拉哈喇罕莊西流折而西北流注麻拉哈喇罕小莊止不流鄉土志此水自發源至達木溝入沙磧約六百餘里夏漲冬枯僅資灌溉罕蘭溝水

罕蘭溝水發源細墨喇山北流

新疆圖志

水道志

二二一

細墨喇山在于闐西南四百餘里源出山北北流經細墨喇莊之東又北流分一枝西北流入達木溝水新疆圖說細墨喇河在城西一百十八里其源出本莊南冰山北流一百八十里有哈拉闐干水自南入之又流七十里至罕蘭驛又流五十里伏於阿克雅牙衣列哈牧場鄉土志分二支一西北流歸達木溝一東北流爲罕蘭溝初源按細墨喇山爲罕蘭溝水初源其達木溝水乃二源直北流也哈拉闐干水即于闐圖之雅闐干水在罕蘭溝水之東泉水北流經

雅闌干西北流至拉衣素莊東北止恰與阿格水東西相直

又北流合喀喇蘇

鄉土志喀喇蘇纏語猶言泉水也出罕蘭溝南六十餘里

又北流分一水又北流經罕蘭驛北分一渠

鄉土志罕蘭驛在縣西一百二十里水北流經驛東于闐岡水經罕蘭驛東南向西分一水西流合泉水折而北流又東北流至闌干公地止罕蘭溝水又北

新疆圖志

水道志一

二二一

流至驛東北分一渠西流注阿格莊止焉

又北流分一渠又東北流分一渠又北流入沙磧

一渠在兩岸北流向西分枝渠二一西流注布拉塔莊止一西北流注坎底和拉十莊止正渠又北流至托和拉克莊南止一渠在兩岸北流向東分枝渠二一東流經白什托和拉克南仍與水合一東北流注麻札莊止正渠又北流至吐支柯子拉克莊止罕蘭溝水東北流又折而北流伏於沙磧鄉土志此水自發源至罕蘭溝北入沙磧約三百餘里夏漲冬消僅



資灌溉按于闐西潘拉克達木溝罕蘭溝三水出源後支水往往相通下流支渠更多新疆圖說源流固未了然卽鄉土志較加精覈於三水源流亦有相混處謹依于闐新圖將三水界限量爲分割于闐知縣賀國棟所著也

### 尼雅河

尼雅河二源一源出狹馬山一源出恰恰提山合而北流曰烏魯克沙衣河

新疆圖說尼雅水在于闐城東二百四十里其源出

### 新疆圖志

水道志一

二二二

大金廠南恰恰底山爲烏魯克沙衣河鄉土志狹馬山在縣境南水源出山北恰恰提山在狹馬山迤西水源出其北東北流

又北流逕蘇拉瓦克西又北流經英爾瓦提西

鄉土志蘇拉瓦克卽大金廠迤北三十餘里其地新

開大金廠較大金廠尤旺

又北流經尼雅爲尼雅河東分三渠

尼雅巴札卽古尼壤城也新疆圖說烏魯克沙衣河北流二百里至尼雅莊鄉土志三渠在河東岸一曰卡

拉馬可多克一曰恰列克一曰南排均東流南排又  
分支渠曰塔勒克北流過尼雅巴札東注民地  
又北流有他拉竿水自南來注之又北有薩拉衣水合  
乙也水格子布拉可水自東南來注之

新疆圖說至尼雅莊又流三十里有他拉竿水自南  
來入又流三十五里有薩拉衣水合乙也水格子布  
拉可水自東南來入于闐新圖大河北流其西又分  
支河西流折而北又折而東與大河合支河之東分  
二渠曰色勒卜曰坎色勒卜均北流注民地仍入之

新疆圖志

水道志一

一一四

河尼雅河下游東岸但分三渠以上並無支水舊圖  
尼壤之東初漚他拉竿水又漚薩拉衣水漚拉衣之  
東乃乙也格子布拉可合而來漚爲新圖所無  
又北流經大麻札又北流入沙磧

鄉土志麻札相傳爲回教始祖摩哈默德之女嫁阿  
札提阿里生子亦麻木玉遜亦麻木玉遜曾孫結比  
沙大克於回教紀元一百五十二年因爭教行兵至  
此戰敗身亡遂葬於此纏回來謁者甚衆尼雅河據  
新疆圖說發源北流二百里至尼雅莊又流一百二


十五里伏於戈壁鄉土志發源至尼雅約三百餘里  
即伏流夏漲冬消僅滋灌溉

安得月河

安得月源出南山多源滙爲三源

安得月河西源曰喀喇沙衣水出喀喇沙衣山北北  
流又東一源曰于于塔哈山曰克子里雅山二水北  
流合而爲一有三加水自南來滙爲波斯坦托合拉  
克水克子里雅山之北有阿斯敦塔哈山北麓有三  
水一曰克寄克色干一曰穹色干一曰博和布拉克

新疆圖志



水道志卷一

二一五

同北流入於波斯坦托合拉克凡六水滙爲一源又  
東一源阿布山北流之水曰和布拉克水奇底里克  
恰克勒山北流之水曰威鴉衣拉克水合而西北流  
入於波斯坦托合拉克波斯坦托和拉克即阿里坦  
郭白河也新疆圖說在城東五百三十五里其源出  
阿拔坦南山北流一百四十里至安得悅牧場又曲  
折西北流一百八十里伏於安得月莊北戈壁喀喇  
沙衣水即哈拉沙衣水新疆圖說在城東五百二十  
里其源出鐵格列克山北流一百里伏於戈壁于闐

圖經喀喇沙衣莊東北入於波斯坦托合拉克威鴉  
衣拉克水即蘇格得河新疆圖說在城東五百八十  
里其源出小金廠南色勒克妥思山西北流三百里  
至麥加可流一百五十里至哈馬阿孜再流四十里  
伏於戈壁

三源既合北流爲安得月河又北流伏於沙磧

三源合而北流至安得月東卡瑪哈斯西曰安得月  
河鄉土志安得月在縣境東七百餘里爲尼雅赴卡  
塔之路雖有地可耕然土曠人稀水利未興又北流

新疆圖志

水道志一

二一六

沒於沙磧鄉土志此河自發源至安得月入沙磧原  
止五六百里因渠道未開近年下游衝刷日甚河流  
漸遠然河身淺狹夏漲冬枯不通舟楫按于闐以東  
之河爲安得月河水源最多蓋南山曰喀喇沙衣以  
東北流之水均流入也卡瑪哈斯即新疆圖說之哈  
馬阿孜  
阿必多六水

新疆圖說阿必多六水在城東七十里其源出必  
佳山北流一百二十里伏於戈壁按于闐新圖無

此水審其方域應在克里雅河之東克里雅有支  
河發源皮介山必佳當即皮介之轉音謹據新疆  
圖說補入

### 英豈介水

新疆圖說英豈介水在城東四百里其源出爾塘  
山出流一百三十里伏於戈壁按于闐新圖無此  
水應在烏魯沙衣河大金廠之東謹依新疆圖說  
補入

### 哈爾喀什河

## 新疆圖志

水道志一

二二七

新疆圖說哈爾喀什河在城東三百八十五里其  
源出托闐烏佳南大金廠東色勒克安思山北流  
一百八十里至托闐烏佳又折而西北流一百八  
十里至牙通古斯又流四十里伏於戈壁按此河  
爲于闐新圖所無應在英豈介水之東謹據新疆  
圖說補入

### 巴爾瑚圖河

新疆圖說巴爾瑚圖河在城東七百八十里其源  
出小金廠東南拉木奇敏山北流一百里至密提

河又流一百二十里有托和巴衣水合哈拉敏水  
自東南入之又流八十里伏于哈拉敏戈壁按于  
闐新圖無此河應在安得月蘇格得河之東謹據  
新疆圖說補入

冲色洛各其水

新疆圖說冲色洛各其水在城東一千里其源出  
克拉克山北流九十里伏于戈壁按于闐新圖無  
此水應在卡墻河西北謹據新疆圖說補入

阿祥水

新疆圖志



水道志一

三八

新疆圖說阿祥水在城東一千一百三十里其源  
出古拉克山北流一百里伏於戈壁按于闐新圖  
無此水應在一山于水之西謹據新疆圖說補入  
一山于水

新疆圖說一色于水在城東一千九十五里其源  
出古拉克山陰北流一百里伏於戈壁按于闐新  
圖無此水應在冲色洛各其水之東謹據新疆圖  
說補入

吾火其水

新疆圖說吾大其水在城東一千二百里其源出南山北流一百五十里伏於戈壁于闐新圖無此水應在一山干水之西謹據新疆圖說補入

### 江干沙衣水

新疆圖說江干沙衣水在城東一千四百七十五里其源出阿里哈屯山北流八十里伏於戈壁于闐新圖無此水應在卡墻河之南據新疆圖說補入

### 鄂和西河里水

新疆圖志

水道志一

二一九

于闐鄉土志鄂和西河里水發源鄂和西河里莊南五十餘里草湖中北流經西河里闌于又北流注鄂和西河里止不流  
以上洛浦于闐小水

